

圓覺經略疏之鈔卷第十七

宣二

圭峯蘭若沙門宗密於大鈔略出

疏法合下二釋法合二一正配合疏然此下  
二會通二喻二一旦會通四一出二喻相疏  
意云下二釋二喻意疏若但下三明偏取之

宣三

一

失疏道理下四結雙取所以疏是知下二正  
結揀文並可知經所造離念中疏先標覺心  
等者諸教每雙遮對待云非真非妄等句皆  
不顯言是何法非真妄等但有遮而無表故  
中下之人因此墮於斷滅之見今直顯言妙

疏答云體雖即真等也此體字都指菩提涅  
槃二法自體不說對用之體智者審之經能  
造滯情中疏二一二能下科分二隨釋經凡  
心真覺中疏小聖真智者生空智也生空即  
是我空人空小聖理者即生空真如謂於我  
人空處證真實滅諦之理不但空無而已故  
云真如經科無實體者謂此心本自空無名  
爲無體非但對用論體而云無體經結問中  
疏二一乍看下揀濫疏問前下二通妨此一  
段疏文理顯妙不假釋之講者必須發揚疏  
旨經偈諷中疏互有互無者長行無依解起  
行而有結問不當理偈中無結問不當理而  
有依解起行經深究輪迴之因疏二一第三  
下明科意二釋經文經慶前中疏五眼者一  
肉眼謂肉團中有清淨色能見障內色二天  
是菩提此真實體用即是圓覺何得言無故

眼於肉眼邊引淨天眼見障外色三慧眼以根本智照見真理四法眼以後得智說法度人五佛眼前四在佛皆名佛眼又見性圓極名爲佛眼故古德云天眼通非礙肉眼礙非通法眼唯觀俗慧眼直緣空佛眼如千日照

異體還同餘義在別卷疏妙信者準大品中意不信一切名妙信也妙信是能信之智常住是所信之法今經云於大涅槃生決定信故引妙信常住以證常住是大涅槃亦可此妙信之心但能常住不退不失即妄想滅盡二意皆通疏不執月運等者雖舉其喻意在其法法者即一切世界始終生滅等也然會中人雖領悟佛說不妨還見世界生滅等相但了之從心所轉轉相即空不執認之爲實故經云無復重隨非謂眼下都不見之經問斷輪迴

中云欲遊寂滅等者不住涅槃故云遊也經問修悲智中疏法門無邊等者配四弘誓中之二也菩薩初發心時必具此四今依願修道豈得離之前問斷輪迴已當煩惱無邊誓願斷今問修菩提正是無上佛道誓願成欲

成種智必廣學法門故於此問中便攝此願入塵度生其文自顯四弘備矣疏少湯添冰者湯如智慧冰如煩惱少智入塵化生不覺自成塵念如將少湯銷冰湯亦成凍余昔在京城擬入山時曾有偈云投湯銷池冰冰堅

三

二

湯亦凝將冰投釜裏針芥自相應說此偈已入山于今矣愛見大悲者淨名云彼有疾菩薩應復作如是念我此病非真非有衆生病亦非真非有作此觀時於諸衆生若起愛見大悲即應捨離所以者何菩薩斷除客塵煩

惱而起大悲愛見悲者則於生死有疲厭心  
若能離此無有疲厭在在所生不爲愛見之  
所覆也乃至無方便慧縛有方便慧解經結  
益中疏心如淨明鏡者一切衆生自心本似  
淨明之鏡不似塵染之鏡但六祖能和尚慧

目肅清能照耀之愚夫迷倒不能照之故六  
祖可傳心印非六祖心獨如淨鏡也若約緣  
起門中漸斷習氣隨俗說之方如拂拭塵盡  
心鏡方明然述此偈之由已在懸談第八修  
證階差門鈔中具述訖疏即同法華者彼經  
云欲令衆生開佛知見天親論判云開者無  
上義即雙開菩提涅槃二無上也謂除一切  
智智更無餘事故云無上今經云無上知見  
正當此義故云即同經讚許中疏本清淨之  
輪迴等者若於塵染中而說輪迴及差別中

而談種類即爲淺近蓋是常情之事今乃三  
章經文已顯無明非實有體本無身心生死  
根塵内外無不清淨圓覺普照寂滅無二乃  
至一切衆生本來成佛重重開顯理智昭然  
今乃於此清淨之中問答輪迴之法又於無

二之中問答差別種類之數故爲深奧祕密  
微妙之義也經無生忍者疏釋可見然法既  
無生即無有滅故華嚴云不見有少法生滅  
何以故若無生則無滅故又云一切法無生  
一切法無滅若能如是解諸佛常現前故信

力入印經中亦有無滅忍更有餘義具如大  
疏大鈔經長行中疏二一次下下科分言推  
本末令斷者本即貪愛末即五道也此答前  
第一問二明種性者新熏五性也存愛修習  
遇諸教門熏成差別種性說令知者意在莫

隨多種須契自心但以菩提心爲本莫將愛爲本也此答前第二問二正釋經約貪欲標指中疏二一謂對下釋貪欲三一直指愛是輪迴本言所貪五欲者五欲即色聲香味觸也問欲應是心何言色等答瑜伽云欲有二

種一煩惱欲二事欲事即五塵今謂心起合

塵塵即名欲故下云由於欲境起諸違順又無常經云常求諸欲境等疏中雖舉所貪五欲意指能貪之愛是輪迴根本指能貪愛者愛細貪麤以貪顯愛疏首楞下一引三經證

成謂證貪愛是輪迴之本流愛者謂無始愛之習氣任運流注相續不斷爲種者如女人欲受胎時必藉男子之種胤納想者前是分別之愛此即俱生之愛俱生之愛方能助潤於業受生故也如俱舍說男胎於母如妻想

宣二

五

而忌於父女胎於父如夫想而忌於母遘者遇也交遘是種子現行互相資熏和合之義吸引者因緣相牽如磁石吸針同業者宿所造之業成熟今爲若人若畜等也故云以是因緣有生死矣餘涅槃佛名文皆可見疏先

令下三舉喻明其斷意意明貪愛既是輪迴之本欲免輪迴先斷貪愛如樹除根即枝條自然枯朽如有偈云伐樹不盡根數數更生樹斷愛不盡本數數復生苦即斯意也疏言種下二銷釋餘文二一雜釋二一正釋天屬

之恩者父子之道天性也謂天生自然相屬親愛非由強結情愛也劉向云不緣生得天屬親肯向仇讎結方寸餘文皆可知矣六親者父母男女夫婦然人間亦有六親不得任運相愛者今從多而說矣因敬者如敬佛法

深心之人見三寶和尚闍黎諸善知識本因爲法敬重漸成深心情愛請益雖足亦不忍去離餘文可解恩非愛等者此四句中一恩非愛如人曾得他種種重恩前人但是機心結託施恩本亦不因情愛此受恩人他日或

失權位或漸貧窮其施恩人又更窮乏之甚遠來相投此人此人忽見心大生惱將何以報何有愛邪故云恩非愛二愛非恩如多欲人遇端正可意之女憐愛雖甚何有恩邪二亦恩亦愛如得朋友情人重恩或得情深女

外人可意孩子或貓狗等亦何必貪求縱與之即未必肯受三亦貪亦愛即名利財色之類四非貪非愛即一切違情境及平境疏若對下二料揀謂約治無始惡習揀所愛之境有順道乖道也如聞善淨真法流注於心得其滋潤愛之不已是順道也愛父母孝伯叔義兄弟佛也亦然若愛名利女色等是乖道也約妄揀心者據不達理但隨迷妄之情即起心動念即是乖道至於厭生死愛涅槃亦爾問瑜伽云菩薩厭患生死過聲聞百千倍

三

六

如何今云愛涅槃厭生死皆爲過患答明言約妄情誰論菩薩菩薩但是悲智心中所爲一切非此所揀疏又唯下二次釋其中指所愛境亦不出前然此中意有二別一前就句數雜雜備而列之就此損益輕重倫次言之

二前或說愛之因由或說愛境違順或說愛心迷悟今則直論愛之體事若善若惡言禽荒等者尚書說太康失邦因由云外作禽荒遊獵內作色荒此三重愛初一有苦報之損後二有樂報之益益中善愛劣法愛勝

宣二

七

又初二順有漏之損

有漏施戒後第三生怨

一順無漏

之益損中惡愛重善愛輕且據漸次誘引作如是說若就前約妄棟心及下所引經文則三皆是障若將此三對所引經文成一對損益謂前三乖性之損後之法愛不存心稱性

之益經約受生中科約受生以結定者既世界四生皆因淫欲方得受生即決定知愛是生死之本以淫欲必是愛故也疏三一卵等下釋此四爲受生緣受生差別者卵等四異故云差別皆是衆生所託受生之處故思業

鬼母白目連曰我晝夜各生五百子隨生自食雖盡不飽地行羅刹者揀飛空羅刹即非胎生三十二子者或云五自然三十二多定又鹿母夫人生大肉顆棄於池中開成五百肉卵各生一子亦近此類柰女者有說從枯

爲因等者動身之思發語之思及思當體是行業也此爲衆生善惡親因託齋等爲緣故得生也齋等爲緣故得生也齋是卵齋胎謂胎藏濕生者不因父母但託濕氣而生如微細蟲豸等染者是化生化生無別所託但依

老柰樹中濕處而生或云菴羅女即是菴羅樹也或西國此一果二名或前後翻譯不同未詳本末若此方者有人云王梵志從王家庭前林檎樹中生未詳虛實劫初者成劫之初一增減劫中世界成已未有人物二禪天

三

八

福盡者下生人間是化也畜具四者正法念經云化生金翅鳥能食四生龍如次濕胎卵生金翅鳥能食三生濕胎  
卵二生胎  
卵一生唯  
卵等龍謂劣生者即不能食勝生者據此即知金翅及龍皆具四生餘獸皆胎等者然諸餘水陸禽畜之類或亦更有具四生者亦應甚多未見佛說不能具悉以此且據常人所見極多者指配云皆胎皆卵故次云然著地飛空乃至不可具分品類問何以卵劣在初化勝居後答有二釋一約境具緣多者爲首謂卵

次之疏皆因下三釋餘文結愛爲本謂初受胎時妬忌父母父母亦皆生愛方得受身即當識等支也如俱舍說亦依業染者佛地論但云業染即俱舍世間品意偈云倒心趣欲境濕化染香處六受欲等者忉利天但相交而已都無遺洩夜摩相抱欲情即足兜率執手化樂戲笑他化相視而已故云輕重也最後淫字貫通於上謂交淫抱淫乃至視淫餘諸異類者大海四洲異生也淫欲之相各不同也心染氣傳者如鷗以觜傳鶲以枝傳乃

必具四胎三濕二化不兼餘故居後二約心從本至末爲次謂無明是卵即本識三細中最初業相能所未分混沌如卵既是根本故首明之無明發業蘊在藏識爲胎愛水潤之方能受生爲濕化生即從無忽有爲化故此

宣二

九

至雞鴨之類受性稟命等者釋經中因淫而正性命此中性字不是真靈之性意說人中性命也既性命由淫下正是結愛爲本便是釋經中當知下二句經欲助中疏愛種子者愛心對境發現行時必親依種子亦可愛性

者是愛之自體故佛說心境如黑白二牛非黑牛縛白牛亦非白牛繫黑牛乃是犁具羈鞅縛二牛令捨離不得羈鞅如貪愛也經更依中疏欲謂貪淫者問前云欲是五塵此復云貪何也答欲者非定屬心非偏是境或是

塵欲或是貪欲或是淫欲或是善欲今經云欲因愛生通於貪淫二也詳之可解經科起諸業報者業有二義一動作義即是行支二爲因義即是有支報是苦果是酬因義即生死二支也別釋中善惡不動三種業者即大

經六地中罪等三行也彼經云凡夫執著常求有無不正思惟起於妄行謂罪行福行不動行釋曰罪福二行即此善惡二業不動名同謂由迷異熟因果違正信解起惑三塗總報惡業及人天別報苦業皆名罪行由迷真

實義故不知三界皆苦妄謂爲樂起欲界人天善業名福行四禪八定靜業名不動行經科惡業苦報者以三塗惡果是不可樂故名苦酬前惡業故名報此通依正二報下隨類別指經云境背等者如舉不及第選被駁放

三

+

瞋恨侍郎况所求欲遂被人障隔破敗等如此等類人間約百千萬般不可具載既殺害逼惱種種之相即怨怨相報無有斷期此皆從瞋起惡業也亦可下從貪起於惡業也文易可知前則殺生兩舌惡口等三不善業偏

增後則淫盜绮語三不善業偏增妄語通二成七支業其貪瞋癡即能起也故都名十惡又逼惱陵辱飲散皆入輕收非十惡數若約犯十重戒即應加酷酒懃自讚入於貪中其瞋及說過謗佛入於瞋中癡通二毒故不別

說又因貪瞋破戒皆名愛羅刹因癡破戒名見羅刹癡者別生異見言無罪等非如牛羊之類其所依罪相亦不離殺盜等故不別說又癡人亦有平平不能作善作惡同於無記故此不說不說無記之報但言善惡之報亦此意也細窮亦有其相隱劣故不說矣

圓覺經略疏之鈔卷第十七

音釋

脢  
普各切  
衣疋之也

淳  
胡革切  
考實也

暴  
壯里切  
激也

襲  
似力切  
重衣也